



# Cumün d'Ardez

## Sezzüda da la suprastanza nr. 20/09 dals 7-10-2009

**Preschaints:** la suprastanza cumünala e la chanzlista

### S-chüsats:

#### Tractandas:

- |    |   |     |
|----|---|-----|
| 1. | Approvaziun dal protocol dals 15-09-2009    |     |
| 2. | Uorden da parcar                            | 645 |
| 3. | Dumonda da fabrica Orange Communications AG | 646 |
| 4. | Reglamaint d'aua                            | 647 |
| 5. | Lingia d'aua las Teas                       | 648 |
| 6. | Cumischiun Allianz da las alps              | 649 |
| 7. | Gruppa da gö "las furmias" (Ardez – Susch)  | 650 |
| 8. | Orientaziuns e varia                        |     |

- 1. Approvaziun dal protocol dals 15-09-2009**  
Il protocol dals 15-09-2009 vain approvà unanimamaing.

### VIAS

**33.**

- 2. Uorden da parcar** 645

Il capo orientescha a regard las lavuors in connex cul uorden da parcar. El manzuna cha l'inventar da las piazzas da parcar saja uossa cumplet e cha a man da quel saja gnü erui ingiò chi mancan amo piazzas da parcar. La cumischiun uorden da parcar haja gnü diversas sezzüda ed haja decis d'entrar in trattativas cun sar Hartmann chi'd es planisader da trafic. Il capo orientescha cha'l cumün da Ftan haja fat bunas experienzias cun surdar tschertas lavuors al planisader da trafic. Implü manzuna'l cha als 8-10-2009 haja lö üna sezzüda culla cumischiun uorden da parcar, giurist incumbenzà e'l planisader da trafic. In ün seguond pass fa il planisader da trafic ün'offerta ed ün plan da termins per las lavuors necessarias.

Implü orientescha il capo cha illa ledscha da fabrica art. 33 saja defini cha per edifizis d'abitar voula:

1 piazza per mincha abitaziun, e quai per mincha abitaziun principala sco eir per mincha abitaziun secundara, cun üna surfatscha da plans brütta da fin 100m<sup>2</sup>, per surfatschas plü grondas voula 2 piazzas. Pro chasas existentas nu stò il criteri da masüra da la surfatscha da plans brütta da 100m<sup>2</sup> gnir applichà.

Hozindi sun las abitaziuns svelt sur 100m<sup>2</sup> e quista grondezza fixada illa ledscha da fabrica nu es ideala. I vain fat la proposta da müdar quista grondezza da 100m<sup>2</sup> sün 120m<sup>2</sup>. Implü s'haja vis cun eruir il bsögn da las piazzas da parcar cha plüs proprietaris da chasas nu possedan ingün auto e pon confermar quai a lunga vista. La pussibilità da far revers i'l cudesch fundiari es avantman.

Decisiun: La suprastanza decida d'entrar illas trattativas pel uorden da parcar cun las seguintas propostas per la revisiun parciala da la ledscha da fabrica. Schi nu vegnan chattats d'ürant las trattativas oters argumaints sun quai propostas a man da la radunanza cumünala.

Art. 33 – edifizis d’abitar: 1 plazza per mincha abitaziun, e quai per mincha abitaziun principala sco eir per mincha abitaziun secundara, cun üna surfatscha da plans brütta da fin 120m<sup>2</sup>, per surfatschas plü grondas voula 2 plazzas.

Implü decida la suprastanza cumünala cha in cas specials dessa esser pussibel da far revers i’l cudesch fundiari.

## FABRICA

05.

### 3. Dumonda da fabrica Orange Communications AG

646

Il schef da fabrica orientescha cha la Orange Communications AG haja intenziun d’ingrondir la staziun da comunicaziun pro’l alber OEE 25. L’intent d’eira publicà dals 30 lügl fin als 20 avuost 2009, protestas nu sun entradas ingünas. Il permiss BAB es gnü dat.

Decisiun: La suprastanza cumünala conceda il permiss da fabrica tenor plans inoltrats.

## AUAS

19.

### 4. Reglamaint d’aua

647

Il schef infrastruttura orientescha chi saja gnü elavurà ün manual aua. Il böt da quist manual es da coordinar meglder l’ütisaziun da l’aua. Il schef infrastruttura declera divers puncts dal manual. Implü orientescha’l cha’l manual vain tramiss als suprastants per tour posiziun d’ürant il mais october.

### 5. Lingia d’aua las Teas

648

Il schef da fabrica orientescha chi saja gnüda fatta la dumonda da fabrica schi saja pussibel da prolungar la lingia da l’aua pels prümars da las Teas. El orientescha chi gnis miss ün uder da 24mm diameter per inchaschar l’aua plü inoura aint in l’aua vers vest. Simils permiss saja fingià gnü dat illa zona da Munt.

Decisiun: La suprastanza cumünala conceda il permiss per prolungar la lingia d’aua pels prümars da las Teas.

## CULTURA

26.

### 6. Cumischiun Allianz da las alps

649

Il schef infrastruttura orientescha cha sar Men Janett füss pront d’entrar illa cumischiun Allianz da las alps.

Decisiun: La suprastanza cumünala tscherna a sar Men Janett ed a sar Gian Linard Nicolay illa cumischiun Allianz da las alps.

## PROVEDIMAIN SOCIAL

13.

### 7. Grappa da gö “las furnias ” (Ardez – Susch)

650

Il capo orientescha chi saja entrada üna dumonda da sustegn da la grappa da gö “Las furnias”. Implü manzuna’l cha’l cumün da Susch haja trattà la chosa e giavüschà da sclerir co cha’ls cuosts unics e da transport pudessan gnir scumpartits. Il capo fa la proposta chi dess gnir trattà quista fatschenda culs capos dals cumüns da Lavin, Susch e Guarda.

Decisiun: La suprastanza cumünala surdà al capo la cumpetenzza da trattar la fatschenda culs capos dals cumüns Lavin, Susch e Guarda e preschantar il scumpart per l’approvaziun a la suprastanza.

## 8. Orientaziuns e varia

### 8.1 Giavüschs radunanzas

Il schef da vias orientescha chi saja gnü manzunà in radunanza cha'l bügl a Bröl saja gnü ruot cun rumir naiv e chi füss salüdaivel scha quel gnis cumadà. El orientescha cha la lavur saja gnüda surdatta ad ün impressari fingià avant ün temp e cha quel nun haja amo gnü temp da reparar quai.

Implü orientescha'l chi saja gnü giavüschà da spostar la glüm illa Jassetta vers il transfuormatur. El orientescha ch'el haja scleri la situaziun cun l'Energia Engiadina. Tenor l'Energia Engiadina nu saja quai üna buna soluziun da spostar la glüm, quai our da motiv cha lura nu saja igluminada la Jassetta da la vart sura. Implü fessa dabsögn d'ün permiss da la possessura da la chasa per spostar la glüm sco giavüschà. Il schef da vias orientescha al petent.

Implü d'eira gnü orientà cha las tablas da protecziun per la sulvaschina sajan devastadas. Il schef da vias orientescha cha quai saja roba dals chatschaders da rimplazzar quellas. El as metta in contact culla società.

### 8.2 10 ons Vereina

La scheffa dicasteri turissem orientescha cha in november haja lö la festa da giubileum 10 ons tunnel Vereina.

3-11.-09

In buna fai

La chanzlista:

Il capo: